

# 大日本史

八十八

第 一 類	第 一 門	第 一 五 號
-------------	-------------	------------------

自石上宅嗣至紀安雄


第二百十四卷 文學列傳


自仁至榮井 蓑麻呂

第二百十三卷 文學列傳

內閣文庫	
二七一函	一〇三冊
五架	二四一號
	和書類

內閣文庫	
番號	和 14111
冊數	103 ( 88 )
函號	271 80





大日本史卷之二百一十三

列傳一百四十

權中納言從三位源光圀 修

男權中納言從三位綱條 校

玄孫權中納言從三位治保重校

文學一

王仁 葛井

船辰爾 葛井廣成

紀清人

大日本史

卷二百一十三

列傳

一

山田御方

高丘河内

太安萬侶

百濟倭麻呂

下毛野古麻呂

刀利宣令

下毛野古麻呂

調老人

大日伊與部馬養

大倭長岡

陽侯真身

矢集蟲麻呂

鹽屋古麻呂

山田銀

大倭小東人

守部大隅

越智廣江

背奈行文

大日本史

卷一百三十三

列傳

調古麻呂

清村晉卿

紀古麻呂

猶原東人

榮井蓑麻呂

武以創業文以守成猶陰陽寒暑之不可偏廢也國朝武德夙播文教後興自應神受百濟之貢天智學周孔之道風化大行品物咸亨庠序學校于州縣經史子集于府庫釋菜

于成均策試于禮闈獎學勸學學館之設皆所以教育英才薰陶德業也科分四道選重二曹上行下效文武脩舉爾來聖主典學乙夜之覽弗懈絃誦盛于弘仁天長奎壁聯乎延喜天曆邳隆之治卓越前古薦紳髦彥勃焉蔚興然至其流弊徒驚於記誦詞章之習而不能反窮理盡性之原故以文藝名世者頗多而以儒學弘道者幾希如其文之體格亦拘於偶儷聲律而不能爾雅近古蓋由沿

襲隋末唐初綺靡彫琢之風也、苟有豪傑之士、起而倡之、則雖凌軋晉魏、頡頏漢周、亦不難也、湯曰、觀乎天文、以察時變、觀乎人文、以化成天下、聖人用賁之道至矣、若吉備真備、阿倍仲麻呂、摛藻騁才、播名異域、清原夏野、菅原道真、演工熙載、垂光竹帛、其餘名流、鉅公、黼黻徽猷、著於事業、者皆自立傳、今取專以文藝稱者、撰次作文學傳、

王仁 ○古事記作和通吉師、今按王仁和通音讀相通、 百濟人、其祖

曰狗、狗先曰鸞、出自漢高祖、狗始至百濟、因

家焉、續日本紀 王仁博通經籍、應神帝十五

年、百濟使阿直岐 ○古事記作阿知吉師、 來貢良馬、帝

即命之養焉、阿直岐能通經傳、皇太子師之、


帝嘗問阿直岐曰、汝國博士有賢於汝者乎、

對曰、有王仁者、是國之秀也、帝即遣荒田別

巫別徵之、王仁遂從而來、日本紀 獻論語十卷、

千字文一卷、古事記 於是皇太子從學焉、日本紀

王仁能通和語、仁德帝即位、作和歌賀之曰、



那彌波豆彌、磋玖邪虛廼波那、布由語茂利、

伊摩烏波瑠倍斗、磋玖邪虛廼波那、世與陸

奧采女安積山歌、並稱為和歌父母焉。古今和歌

集序、仁德帝即位、和歌、據與義鈔、履中朝建內藏、收官物、令

壬仁與阿知告師錄其出納。古語拾遺孫曰阿浪

古首、書首、文忌寸、武生宿禰、古志連、栗栖首、

櫻野首等、皆王仁之後也。本紀、文忌寸、續日

本紀、船辰爾本姓王、其先百濟人、初應神帝命荒

田別求有識者於百濟、其國主貴須王、以其

孫辰孫王。一名應之、隨使入朝、帝嘉之以

為皇太子師、大闡儒風、其子太阿郎王為仁

德帝、近侍太阿郎王、生亥陽君、亥陽君生午

定君、午定君有三子、長味沙、次辰爾、次麻呂、

續日本紀桓武紀、○辰孫王當應神帝時、荒

田別得之百濟、而為太子師、其事大類王仁、

疑非別人也、欽明帝十四年、幸樟弓宮、辰爾

奉敕、數錄船賦、即以辰爾為船長、因賜姓船

史、船連、乃其後也。○姓氏錄、以船連為太阿

智仁即辰爾訓讀相通、敏達帝元年高麗上表、召諸史

讀之、不能通曉、辰爾為解釋文義、帝獎諭曰、

勤乎辰爾、懿哉辰爾、非汝之好學、誰能解之、

者、自今之後、近侍宮中、復詔責東西諸史曰、

汝等業何無成、汝等雖眾、不及辰爾、又高麗

上表用烏羽字跡不可別、辰爾取其羽蒸之

飯甑、以帛印之、文字盡見、始得讀焉、帝大嗟

異之、○十訓鈔曰、讀烏羽表、或以為史師明事、未知何據、白猪膽津者

辰爾之甥也、欽明帝三十年春、詔膽津檢白

猪田部丁籍、是歲四月、遂定其籍、結為田戶、

帝嘉其功、賜姓白猪史、尋拜田令、副山田瑞

子、敏達帝三年、遣大臣蘇我馬子於吉備國、

益置白猪也倉及田部、即以其田部名籍、授


之膽津、日本紀

葛井廣成本姓白猪史、敘從六位上、為大外

記、養老中、為遣新羅使、賜今姓、續日本紀嘗奉試

對策、問曰、禮主於敬、以成五別、樂本於和、以

抱八音、節身陶性之用、寔由斯道、御世安民



之義、既盡於焉、雖因世損益、而百王相因、利用禮樂、已有前聞、未決優劣、庶詳其別、對曰、臣聞三才始闢、禮旨爰興、六情漸萌、樂趣亦動、固知陰禮之作、基綿代而自遠、陽樂之開、肇邃古而實遐、但結繩以往、杳然難述、書契而還、炳焉可談、原夫禮是肥國之脂粉、樂卽易俗之鹽梅、揖讓堯舜、率斯道以安上、干戈履發、抱茲緒以化下、美善則丹蛇赤龍之瑞、自臻、和諧則黃竹白雲之曲、彌韻、所以高暨天涯、共日月而俱懸、遠遍地角、與山川而齊峙、辟水火之利物、方梨橘之味口、縱無姜生之制地、而有夏氏之應天、則敬異之旨、悉卷親同之跡、偏舒誠乃俎豆之業、鐘鼓之節、於理終須行兩、在義寧容廢一、又問曰、李耳嘉遁、以示虛玄之理、宣尼危難、而修仁義之教、或以爲精、或以爲麤、其理如何、庶聽所以、對曰、竊聞眷山林以披黃緇、道德之玄教也、是則柱下之風、入皇朝以拖青紫、仁義之敦、儒



也、彼則司寇之訓、故清虛之理、煥二篇而同  
 春日、折旋之蹤、明五經而類秋月、誠能拯蒼  
 生之沈溺、繼皇風之絕廢、伏惟聖朝德光萬  
 寓、化高五岳、動植苞其亭育、翔走荷其陶鑄、  
 烈風五日、曾不鳴條、崇雨一旬、終無破塊、復  
 乃南蠻裸壤、占青靄以航海、北狄章身、蹈白  
 雲以梯山、魏兮藹兮、其化如此、猶懼聃丘之  
 教、未備污隆、玄儒之肯、有虧雄雌、思欲分其  
 條目、辨其精麤、竊以玄以獨善為宗、無愛敬  
 之心、棄父背君、儒以兼濟為本、別尊卑之序、  
 致身盡命、因茲而尋鹽酸可斷、經國集天平中  
 進外從五位下、新羅來聘、廣成與多治比土  
 作往筑紫、檢校供客之事、上言、新羅使改調  
 稱土毛、書尾注物數、替之舊例、大失常禮、太  
 政官處分召水手已上、告以失禮之狀、放還  
 其使、歸為備後守、累進從五位上、寵遇甚篤、  
 車駕幸廣成宅、宴飲留宿、授廣成及妻縣犬  
 養八重正五位上、勝寶初為中務少輔、續日本紀

紀清人、○清或作淨和銅中與撰國史、靈龜元年

褒學業賜穀百石、養老初再賜穀百石、為文

章博士、詔山田御方、山上憶良、越智廣江、高

丘河內、鹽屋古麻呂、刀利宣令等十餘人、每

退朝侍東宮、尋以學優堪為師範、賜絁絲布

歛、天平中歷右京亮、除治部大輔、再兼文章

博士、帝幸難波宮、清人等留守平城、至從四

位下武藏守、勝寶五年卒、續日本紀

山田御方、○日本紀御方作御形、魏司空王懷風藻作三方、訓讀通

昶後也、錄姓氏初為浮屠、學于新羅、持統帝時

還俗授務廣肆、日本紀文武帝初授正六位下、

慶雲中嘉學術、賜布歛鹽穀、和銅中進從五

位下、為周防守、養老中進從五位上、為文章


博士、六年坐贓、詔曰、周防前守山田史御方、

監臨犯盜、理合除免、先經恩降、赦罪已訖、依

法備贓、家無尺布、朕念御方負笈遠方、遊學

蕃國、歸朝之後、傳授生徒、文館學士、頗解屬

文、如不矜若人、墮斯道歟、宜特加恩、勿使徵



賊續日後至大學頭

懷風藻

高丘河内本姓樂浪父沙門詠天智帝時自

百濟投化河内初為播磨大目造正倉和銅

中賞功進位一階賜純十匹布三十端養老

中為文章博士神龜初改賜今姓天平中為

右京亮班京都百姓宅地為造宮輔營紫香

樂離宮改伯耆守勝寶中至正五位下大學

頭子比良麻呂少遊大學博涉書記寶字中

為越前介遷内藏助兼大外記藤原仲麻呂

謀反比良麻呂上變褒授從四位下神護初

賜勳四等尋兼遠江守景雲元年兼右衛士

亮至内藏頭改連賜宿禰姓續日和

太安萬侶神八井耳之後也姓錄日慶雲

初敘從五位下和銅中進正五位上續日授

勳五等奉敕撰古事記初天武帝患諸家所

藏載籍頗傳虛偽終失其真時有稗田阿禮

年二十八博聞強識多諳上世舊事因命錄

其所記將以修帝紀既而登遐歷持統文武

其

朝其舉不果至是帝欲繼成其志安萬侶奉  
敕採撫阿禮所傳上自開闢下至小墾田朝  
錄為三卷上之古事靈龜中進從四位下為

氏長尋為民部卿養老七年卒續日本紀

百濟倭麻呂其先百濟人錄氏慶雲中奉試

對策問曰數步之內空流蘭蕙之芳十室之

中獨伏麒麟於櫪而羽毛難辨遂昧楚雞玉

石易迷浪珍燕砮况復顓師愷悌被輕於魯

公馬氏方員見重於魏主帝難之旨其斯謂

歟鑒識之方宜陳指要對曰竊以赤帝文明

知人其病素王天縱取士其失然則珍砮辨

矣蓬性不可量矣鳳雞別也草情豈堪識也

但無求不得負鼎朝殷扣角入齊擇必所汰

四凶翦虞二叔除周况今道泰隆雄德盛導

焉隆雄導焉歲星所談疑仰占風雨而

歟豎亥兩步疑盡入堤封之限遂使少微

一星應多士之位大雲五彩覆周行之列不

驅愚去不召賢來巍巍蕩蕩合其時歟又問

伏閣之臣、精勤徹夜、還珠之宰、清儉日新、瞻彼二途、兼之非易、如不得已、何者為先、對曰、臣聞蒞百寮而頌二柄、宰九州而班六條、捐金投玉、虞舜之清儉矣、櫛風沐雨、夏禹之精勤矣、加以揚震作守、陳神知於枉道、馮豹為郎、待天渙於閣前、飛譽目前、揚美身後、但清者稟根自天、勤者守株由己、又飲水留犢之輩、經踈史少、駕星去虎之徒、古滿今多、臣器非宋寶、字是燕石、豈堪決前後之源、唯竊折

梗概之枝

經國集

敘正六位上、為但馬守、卒年

五十六

懷風藻

下毛野蟲麻呂、嘗奉試對策、問曰、既號天龍、無足而走、還稱地馬、無翼而飛、雖逐時文異、而如泉利同、豈可起詐之子、擅放西蜀之偽、乾沒之夫、專行東吳之私、欺濫羣小、罔冒公、司、屢煩丹筆、徒闡黃沙、謂爾進士、應識公方、懲茲不軌、用何能爾、對曰、竊聞沙石化為珠、玉良難可以療飢、倉廩實其坻京、唯易迷以

濟命

○迷蓋訛

是知寫圖而前猶事飲血調律而

後誰不食穀自太公開九府之制管父通萬

鍾之式龍文錯於郭裏龜冊入於幣間白金

馳其奸情朱仄競其濫制西蜀銅岳徒擅佞

倖之門東晉金溝遂滿夸奢之室姬景舍輕

單穆陳擁子之譏劉文放鑄賈生致轉禍之

談寔由棄耕桑之務爭刀錐之末伏惟聖朝

握天鏡紐地鈴德音被於有截至教翔於無

垠銜禾之獸屢臻見穰之鱗荐集今欲既停

起詐之功終斷治鎔之逆誠使三農叶節千

箱盈庾淮陽高枕追長孺之芳趣邯谷送歸

發祖榮之清輟則銖文偃惑鏹貫無訛頓屏

磨屑之風永絕炭挾之俗又問周孔名教興

邦化俗之規釋老格言致福消殃之術既為

內外相乖又為精麤一揆定其同不同覈此真

詭對曰竊以眇觀列辟繞電履翼之皇逖聽

風聲洞公連三之帝雖歷代千古而源仍畫

一俱隨時之便不齊救弊之術亦異原夫玄

涉清虛、契歸於獨善、儒抱旋折、理資於兼濟、  
 是故麟泣降跡、刻魯冊之秘典、狼跋垂教、闡  
 周編之雅錄、至如白毫東輝、演扞利之道、紫  
 氣西泛、望凝玄之期、斯誠事隱探蹟之際、理  
 昧鈎深之間、然詳搜化俗之源、曲尋消殃之  
 術、既淺淄澠之疑、○淺疑訛亦有涇渭之派、但學  
 謝籛金、徒迷同不之義、詢臝屑玉、寧述真詭  
 之旨、集經國養老中、至從無位上、文章博士、歷  
 式部員外少輔、續補本絕大學助教、卒年三十六、

懷風藻

刀利宣令、○萬葉集刀利作上理音讀通嘗奉試對策、問曰、


設官分職、須得其人、而行殊輕重、能有短長、  
 委任責成、非當覆餗、授受之略、可得聞乎、對  
 曰、竊以天垂七政、辨星紀於三百、地陳八座、  
 條儀式於三千、所以救異東西、調四時於玉  
 燭、治兼刑德、齊萬機於金鏡者也、百臣分職  
 虞公致肅肅之美、十亂當朝、周王有濟濟之  
 盛、士會還肆、眾盜去於晉郊、太叔為政、羣奸

聚於鄭蒲、輕重短長、略可言焉。伏惟皇朝、化  
平日域、德及天崖、執禹麾而招能、坐堯衢而  
訪賢、逃周避漢之臣、雁行於丹墀、遊穎隱箕  
之夫、鱗次於絳闕、無為軼於觀象、有道寵於  
垂衣、是知鈞潢同載、木運祚於七百、指鹿成  
佐、金精滅於二世、得其人、興畫一之歌、非其  
任、有尺素之譏、案此而論、粗當分別、但東魯  
天縱、猶迷兩兒之對、西蜀含章、莫辨一夫之  
問、至於授洪務、○此句疑脫字維帝難之、况乎末學

淺志、豈能備述、又問烈火炎岳、畏之者歸魂、

○歸魂二字疑有訛柔水襄陵、狎之者遂往、是以東里

遺猛烈之言、西門盡嚴明之事、然臧孫為政、  
端木作訕、廉范蒞官、雲中起詠、寬猛之要、冀  
敘厥猷、對曰、竊以飛龍不息、健猛之用、顯矣、  
行馬無疆、順寬之利、亨焉、稟天地之氣者、人  
也、含喜怒之諍者、情也、稟同含異、理宜寬猛、  
猛能禁斷、子產有烈火之喻、寬是兼愛、廉范  
放夜作之令、沛公入洛、義帝許其寬容、仲由





言志素王樂於行行既戴於經亦見於史義  
有二途其揆一也但理髮解繩前史美論以  
寬濟猛往聖格言是以水避高而赴下民去  
急而就緩因水民之赴就明寬猛之梗概欲  
使著絃之夫擁篲寬容之庭佩韋之臣束帶  
太平之運經國集養老中詔每退朝侍東宮續

本紀至正六位上卒年五十九懷風藻

下毛野古麻呂豐城入彥命五世孫多奇波  
世君後也姓氏錄敘直廣參文武帝初與撰律

令續日本紀大寶元年改授從四位下為右大辨

與講新令二年參議朝政尋詔曰下毛野古

麻呂伊吉博德調老人伊與部馬養與定律

令宜議功賞賜古麻呂田十町封五十戶封

戶止身田傳一世又加賜二十町進從四位

上慶雲中為兵部卿和銅元年改式部卿召

見公卿嘉奉職進古麻呂正四位下二年為

大將軍○按為大將軍未詳其故當時巨勢

征越後蝦夷將軍疑古麻呂十二月卒續日本紀

調老人其先百濟人錄姓氏老人持統帝時拜

撰善言司紀日本後為大學頭懷風藻卒大寶初

贈正五位上追賞撰律令功賜其子功田十

町封百戶封戶止身田傳一世續日本紀

伊與部馬養○日本紀養作飼訓讀通其先出自火明命

後少神積命三代實錄馬養持統帝時拜撰

善言司紀日本後為皇太子學士至從五位下

卒年四十五懷風藻大寶中追賞撰律令功賜

其子功田六町封百戶封戶止身田傳六世

馬養嘗為丹波與謝郡司作文記水江浦島

子事傳于世釋日本紀引

大倭長岡神知津彥命後也神知津彥神武

朝以功為大倭國造錄姓氏子孫世職父曰五

百足敘從五位上為刑部少輔長岡襲為國

造少好刑名之學兼能屬文靈龜中入唐請


益多所發明當時言法令者皆就質之續日本紀

養老中藤原不比等重修律令令義長岡刑

定二十四條賜功田四町勝寶中改姓忌寸

賜宿禰寶字初累進正五位上傳功田於子  
 尋為民部大輔兼坤宮大忠補左京大夫遷  
 河內守為政苛刻吏民患之進從四位下罷  
 官就第又為右京大夫以老辭職景雲二年  
 賀正之宴詔特侍殿上鬢髮未衰進退無忒  
 帝問曰卿年幾長岡對犬馬之齡方八十帝  
 嘉嘆者以乃進正四位下明年卒續日本紀  
 陽侯真身胡音讀通今從續日本紀其先出  
 自隋煬帝後達率楊侯阿子王錄真身養

老中與刪定律令賜功田四町天平初教授  
 弟子二人漢語出為豐後守時河內攝津爭  
 河堤奉敕檢察遷但馬守至從五位下續日本紀  
 天集蟲麻呂○矢或作箭伊香色雄命後也錄氏  
 養老中與刪定律令尋為明法博士以刪定  
 之勞賜功田五町天平中授外從五位下歷  
 大判事大學頭寶字初傳功田於子續日本紀  
 鹽屋古麻呂○續日本紀古作吉或作葛城  
 襲津彥命後也錄氏養老中與刪定律令尋



為明法博士、又以刪定之勞、賜功田五町、寶

字初傳其田於子、天平中授外從五位下、坐

藤原廣嗣事配流、後赦還、續日本紀為大學頭、懷風藻

山田銀○銀或作白金、養老中與刪定律令、令義授

外從五位下、改姓史賜連、為明法博士、兼主

計助、出為河内介、續日本紀銀明律令、後之學法

律者推為準的焉、文德實錄天安二年、天

大倭小東人、養老中與刪定律令、賜功田四

町、天平中小東人及大外記大倭水守等、改

姓忌寸、賜宿禰、為刑部少輔、坐藤原廣嗣事

左遷、○本書不載何國守或介、今無所考、尋召還為西海道巡

察使、次官攝津亮、勝寶中遷參河守、寶字初


至正五位上、續日本紀大倭

守部大隅、○大隅或作大角、訓讀通、本姓鍛冶造、文武帝

初、與撰律令、元明元正朝、累進從五位上、歷

刑部少輔、為明經第一博士、養老中與越智

廣江、背奈行文、調古麻呂、天集蟲麻呂、鹽屋



古麻呂、山田御方、紀清人、下野蟲麻呂等十餘人、並以學優堪為師範、特敕賜純絲布、神龜中進正五位下、賜今姓、上表乞骸骨、優詔不許、賜絹純谷一十匹、綿一百屯、布四十

端、續日本紀至正五位上、大學博士、卒年七十三、

懷風藻 越智廣江、饒速日命之後也、姓錄氏養老中為

明經第一博士、詔每退朝侍東宮、續日本紀至從

五位下、刑部少輔、兼大學博士、懷風藻

背奈行文、養老中為明經第二博士、神龜中

授從五位下、續日本紀至大學助、卒年六十二、懷風藻

藻嘗作歌譏刺佞人、世傳誦焉、萬葉集

調古麻呂、養老中為明經第二博士、續日本紀後


為皇太子學士、至正六位上、懷風藻

清村晉卿、唐人、本姓袁、天平中隨遣唐使而

歸化、年未弱冠、通文選爾雅音、為音博士、景

雲初幸大學、釋奠、授晉卿從五位上、歷大學

頭、日向守、寶龜末為玄蕃頭、賜今姓、延曆中



為安房守續日本紀末山志者能知今其孫中

紀古麻呂父大人續日本紀天智帝時為御史大

夫日本紀贈正三位續日本紀古麻呂有文才賦望

雪七言十二句詩卒年五十九懷藻風子飯麻

呂續日本紀公卿補任○天平中藤原廣嗣

作亂為副將軍討平之尋為右大辨及廢太

宰府飯麻呂奉命移官物於筑前國司為畿

內巡察使出為常陸守勝寶中歷太宰大貳

大藏卿右京大夫西海道巡察使寶字初轉

左大辨任參議兼紫微大弼與改官號遷義

部卿除美作守六年授從三位以疾乞骸骨

未幾薨續日本紀

榎原東人右京人該通九經號為名儒文德實錄


仁壽二年初授正六位上天平中累進從五位下

續日本紀為駿河守勝寶初於部內廬原郡多胡

浦獲黃金獻之帝喜曰勤哉臣也因取勤臣

之義賜姓伊蘇志臣續日本紀寶字初進

正五位下續日本紀孫家譯延曆中改賜姓滋野



宿禰仁壽二年弘保未改賜朝臣三代實錄

敘從五位上為尾張守實錄子貞主自有傳

榮井叢麻呂其先高麗人錄天應元年授

正五位下延曆初為造法華寺長官陰陽頭

叢麻呂經明行修清慎夙著齡既八十尤為

後進所推服朝廷優賞特賜純布米鹽續日本紀

大日本史卷之二百一十三終

大日本史卷之二百一十四

豐前守人列傳第一百四十一

權中納言從三位源光圀修

男權中納言從三位綱條校

玄孫權中納言從三位治保重校

文學二

石止宅嗣

淡海三船

菅原古人玄孫淳茂文時孫輔正世

孫為古入六世孫

菅野真道

賀陽豐年

善道真貞

藤原關雄


小野篁 孫道風

春澄善繩

豐階安人

大日紀安雄

石上宅嗣左大臣麻呂孫中納言乙麻呂子也性朗悟有姿儀好學博涉經史善屬文工草隸稱德朝累官至參議敘從三位兼式部卿光仁帝之立預定策寶龜初出為太宰帥居無幾遷式部卿任中納言六年請改姓物部朝臣尋兼皇太子傅中務卿十年敕復本姓明年轉大納言天應元年進正三位尋薨年五十三遺言薄葬詔贈正二位自寶字以後善文者世推宅嗣與淡海三船並稱性愛





大日本書紀卷之二十一

山水每遇所適攬筆成篇其詩賦數十首傳

于世嘗捨其宅創阿闍寺寺內建一院藏儒

書名曰芸亭自作記有欲就閱者則聽之其

院今存焉續日本紀○高僧傳要文鈔云宅

寺東南造芸亭居士法名梵行捨宅為

西南構禪門東北建方丈室嘗作三藏讚附

入唐使送之于唐唐內道場僧飛錫嘆

曰毘羅那有長者子日本國有維摩詰

淡海三船御三葛野王孫父曰池邊王三

船初為諸王勝寶三年賜姓淡海真人尋為

內豎也○高僧傳要文鈔曰淡海居士即三船

賜姓欲入唐而學以病不果居常修梵行八歲為藤原仲麻呂所

譖囚於衛士府出為尾張介授正六位上寶

字中為山陰道巡察使尋進從五位下歷參

河守文部少輔八年遷美作守為造池使修

近江陂池仲麻呂反欲據近江先遣使調發

國中兵馬三船時在勢多與判官佐伯三野

謀縛使人及同惡者以功授正五位上勲三

等為近江介遷中務大輔兼侍從神護二年

賜功田二十町傳其子尋補東山道巡察使

大日本書紀卷之二十一 列傳 三


景雲初加兵部大輔既還列所判事狀上之不稱旨責授太宰少貳寶龜中稍遷刑部大輔歷大判事為大學頭兼文章博士進從四位下延曆初兼因幡守為刑部卿四年卒年六十四三船為人聰敏博涉羣書善屬文名高于一時續日本紀嘗奉敕定神武以來謚號釋

本紀引其後裔濱成高主及同族九人貞觀

中賜姓淡海朝臣三代實錄

菅原古人阿波守宇庭子也菅原本姓土師

宿禰敘正六位上寶龜末進外從五位下天應元年為遠江介進從五位下與族人道長等十五人上言土師之先出自天穗日命其十四世孫曰野見宿禰乃臣等遠祖也昔在垂仁帝之世古風尚存葬禮無節每有凶事多用殉埋于時皇后薨梓宮在庭帝顧問羣臣曰後宮葬禮為之柰何僉曰一遵倭彥王子故事野見宿禰獨進曰臣竊惟殉埋之禮殊乖仁政實非益國利人之道臣請權宜以



襄事因率士師三百餘人取埴造諸物象進之帝甚悅號曰埴輪所謂立物是也此乃往聖之仁德先臣之遺愛垂裕後昆生民賴之式觀祖業吉凶相半若其諱辰掌凶祭日預吉如此供奉允合通途今則不然專預凶儀尋念祖業意不在茲望請因所居地名改土師以為菅原姓許之時兄安人在任所不改姓延曆初奏請賜姓秋篠朝臣續日本紀○系人兄據圖古人儒行高世不與俗苟合卒後家

無餘財諸兒寒苦續日本紀延曆中追賞侍讀

勞給其男四人衣糧令勤學業也續日本紀給學

料始于此公卿補任○古為弘仁十年卒年七

十按續日本紀延曆四年救故遠江子清公


曾孫道真別有傳玄孫淳茂

淳茂道真子也系圖才藻頗有父風大江匡房

嘗謂儒家不墜家聲者唯都在中及淳茂等

三數人耳江談淳茂夙舉秀才對策及第為

文章博士歷兵部丞大學頭右中辨任式部



權大輔敘正五位下圖系宇多法皇嘗賞中秋

於亭子院召文人賦詩淳茂作序本朝法皇

見淳茂詩嘆曰恨不使故右相見之渤海貢

使裴璆來朝時淳茂迎接以詩與璆酬酢初

貞觀中璆父頰奉使來朝與道真唱和至是

淳茂詩言及先人時事璆讀而感泣淳茂與

璆兩世邂逅世以為奇江談鈔淳茂子在躬從

四位上系圖勘解由長官在躬子輔正公卿補任

輔正天曆四年舉秀才補文章得業生尋對

策及第補右少辨歷兼大學頭東宮學士文

章博士公卿補任以文藻播聲當時為圓融帝侍

讀古今著聞集天元中任太宰大貳長德二年任

參議尋兼式部大輔進正三位公卿補任敦康親

王始讀書輔正陪宴其應教詩曰頽齡八十

有餘霜未見神聰似我王遺老愚言君記取

一經造次不應忘本朝麗藻寬弘六年薨年八十

五公卿補任嘗在筑紫至安樂寺憾無浮圖創多

寶塔乃安胎藏界五佛藏法華經并部名東

御塔招置僧眾自撰持務法規三卷藏諸寺

庫後人建祠道真祠側祭之古今著聞集稱北野

宰相壽永三年贈正二位公今著聞集補任古古人

六世孫文時系圖鄭王並文並言並時並

文時淳茂兄右大辨高規子也系圖文才博洽

名聲震當時源英明源為憲大江匡衡等皆

請文時竄改其辭賦江談天慶五年對策及

第歷內記辨式部大輔進正四位下加文章

博士兼尾張權守村上朝上封事言禁奢侈

停賣官懷遠人言甚剴切本朝粹嘗會皇孫源

保光第賦詩曰此花非是人間種再養平臺

一片霞大江朝綱詩曰此花非是人間種瓊

樹枝頭第二花朝綱笑曰後世必以子與吾

稱為一雙江談應和中帝遊冷泉院召文人

賜花光水上浮題文時作序日略本有云誰謂

水無心濃艷臨兮波變色誰謂花不語輕漾

激兮影動唇為世所稱本朝粹和漢朗詠集一日內

宴命羣臣賦宮鶯轉曉光帝詩曰露濃緩語

大日本史 卷一百一十四 列傳 八

園花底月落高歌御柳陰自謂諸才子不及

既而文時獻詩曰西樓月落花間曲中殿燈

殘竹裏聲帝以為絕作乃召文時問其優劣

文時曰聖作非臣所及帝數問不已徐曰聖

作實下於臣一等帝笑而然之江談鈔今晚昔物語

年宦路滯塞天元初頻請敘從三位本朝四

年遂敘之尋薨年八十四公卿補任稱管三品本朝

粹子雅熙輔昭系圖並有文學輔昭最著文才

不減父祖江談鈔任大內記系圖朱雀上皇十訓按

鈔作宇多嘗召文人賦詩命輔昭作序留之

院中而不遣蓋慮文時有所竄定也及文出

人皆服其秀逸本朝文粹古人十三世孫為

長系圖其並本朝

為長大學頭長守子也元曆正治間舉秀才

試策為大舍人助右衛門少尉任檢非違使

累歷式部少輔大內記遷文章博士為侍讀

任式部權大輔進敘從三位為大藏卿嘉禎

中任參議兼勘解由長官至正二位寬元四

大日本史 卷一百一十四 列傳 八

年薨年八十九公卿補任善書工和歌練達朝廷

典故正徹物語搢紳之士推為國家重器公卿補任引平

戶記建保中侍上皇讀貞觀政要明月記又以平

政子請譯以國字貞永式目鈔所著有文鳳鈔和仁

寺書籍目錄子長貞公良長成高長皆有文學系圖

菅野真道本姓津連其先出自百濟辰孫王

續日本紀父曰山守真道寶龜中歷少內記近江

抄自公卿補任延曆四年以左兵衛佐兼東宮學

士九年至圖書頭兼伊豫守是歲與左中辨

百濟仁貞治部少輔百濟元信中衛少將百

濟忠信上表言真道等本系出自百濟國貴

須王貴須王者百濟始興第十六世王也夫

百濟太祖都慕大王者日神降靈奄扶餘而

開國天帝授籙總諸韓而稱王降及近背古

王遙慕聖化始聘本朝是則神功皇后攝政

之年也其後輕島豐明朝御宇命上毛野氏

遠祖荒田別使於百濟聘有識者國庄貴須

王恭奉使指擇採宗族遣其孫辰孫王本○按書

宗一名知隨使於朝、天皇嘉焉、特加寵命、以爲  
皇太子之師、於是始傳書籍、大闡儒風、文教  
之興、誠在於此、難波高津朝御宇、以辰孫王  
長子太阿郎王爲近侍、太阿郎王子亥陽君、  
亥陽君子許葦君、許葦君生三男、長子味沙、  
仲哥辰爾、季子麻呂、從此而別、始爲丹姓、各  
因所職、以命氏焉、葛井船津連等卽是也、逮  
乎他田朝御宇、高麗國遣使、上烏羽之表、羣  
臣諸史莫之能讀、而辰爾進取其表、能讀巧  
寫、詳奏表文、天皇嘉其篤學、深加賞歎、伏惟  
皇朝則天布化、稽古垂風、弘澤浹乎羣方、叡  
政覃於品彙、故能修廢繼絕、萬姓仰而賴慶、  
正名辨物、四海歸而得宜、凡有懷生、莫不抃  
躍、真道等先祖、委質聖朝、年代深遠、家傳文  
雅之業、族掌西庠之職、真道等生逢昌運、預  
沐天恩、伏望改換連姓、蒙賜朝臣、於是敕因  
所居、賜今姓、明年、謙治部少輔、是秋、管内獻  
白雀、因進位五位下、續紀曰歷治部民部大輔、



水田林史

公卿補任及營新京與右少辨藤原葛野麻呂班

陀地日本略遷左兵衛督為造陪亮日本兼

伊勢守公卿補任嘗奉敕修續日本紀其是成超

進正四位下類聚國史為左大辨再兼伊豫

守加勳解由長官未幾遷左衛士督歷兼相

模但馮時日本四年任參議大辨學士如故

明年兼太宰大貳大同二年為山陰道觀察

使兼刑部民部卿轉右大辨兼大藏卿進從

三位遷東海道觀察使兼左大辨歷宮内大

藏卿弘仁初兼近江守復參議遷常陸守尋

致仕薨年七十四公卿補任真道嘗為桓武帝創

道場於山城愛宕郡八坂鄉承和中子永岑

奏言亡父所建道場一區雖其疆界接八坂

寺而其形勢猶宜別院由是道俗號八坂東

院伏望限以四至別為一院置僧一口永俾

護持許之永岑仁明朝為主殿頭齋院長官

兼豐前守敘從五位上續日本後紀

賀陽豐年右京人也該精經史射策甲科秉

九  
卷一百二十四  
列傳  
十一

操守義無所屈撓、自非知己、不敢造接、大納  
言石上宅、嗣禮待甚厚、延居書齋、數年之間、  
博究羣書、識者皆以為洽博、過釋道融御船  
王、延曆中任東宮學士、平城帝踐祚、敘從四  
位下、拜式部大輔、時女謁屢行、英賢見排、豐  
年獨懷素志、玄默自守、及帝傳位、遷御平城、  
守職不追從、以故得不預亂、因辭職自退、嗟  
峨帝惜其材、任播磨守、在職三年、移病歸京、  
居宇治別業、弘仁六年卒、年六十五、贈正四  
位下、時人謂天爵有餘、人爵不足矣、初豐年  
病在宇治、聞故老語仁德帝與宇治稚郎相  
讓之事、甚高其義、託執柄之臣、請陪葬焉、及  
卒、敕許之、豐年嘗詣友人小野永見、命筆賦  
詩曰、白眼對三公、權貴惡之、其操守如此、本  
紀後  
善道真貞、右京人、父伊與部家守伊賀守、真  
貞十五歲入學、居數年、諸儒推其才行、補文  
章得業生、大同中課試登科、任山城少目、弘

大日本書紀  
卷一百二十四  
列傳  
十一

仁中兼大學助教、授外從五位下、爲博士、尋以明經進一階、歷兼越前大掾、相模權介、天長初、遷大學助、歷陰陽頭、進從五位上、表請賜姓善道宿禰、進正五位下、遷阿波守、以與撰令義解不赴任、承和、中累進從四位下、以明經宿儒、賜攝津島上郡荒田九段、尋爲東宮學士、真貞以三傳三禮爲業、兼善談論、而不學漢音、至於教授、用世俗踏訛之音、情在進取、不能恬退、久之拜此官、及皇太子廢、貶

備後權守、帝愍其年老、不幾召還、諸儒奏言、當代讀公羊傳者、唯真貞而已、今而不傳、恐斯學遂墜、乃命真貞於大學講之、後卒于家、

年七十八、

續日本後紀

藤原關雄、參議真夏子也、少屬文、天長初奉文章生試、及第、性好聞退、常在東山舊居、耽愛林泉、時人呼爲東山進士、承和初、淳和上皇嘉其爲人、特詔徵之、關雄不獲已而起、帝待以優禮、從事左右、尋任勘解由判官、司務

繁劇非其好也數月遷少判事授從五位下  
 仁壽初累遷為治部少輔兼齋院長官以病  
 請罷不允三年卒年四十九關雉好鼓琴淳  
 和上皇賜秘譜由是稍得其妙又能草書敕  
 題南池雲林兩院壁文德實錄又為文天身四本  
 小野篁參議岑守子也弘仁中岑守為陸奧  
 守篁隨父赴任日慣馳馬後還京師不復事  
 學業嵯峨帝聞而歎曰斯人之子而猶為弓  
 馬之士乎由是慚悔始志于學十三年奉文

章生試及第天長中歷巡察彈正少忠大內  
 記式部少丞進從五位下除太宰少貳尋丁  
 父憂哀毀過禮明年起為東宮學士拜彈正  
 少弼文德實錄與清原夏野等奉敕撰令義解令義  
 解承和初除美作介公卿補任為遣唐副使兼備  
 前權守任刑部太輔累進正五位下及使唐  
 借正四位上三年引見紫宸殿賜綵帛紫布  
 又御紫宸殿賜錢御被一襲赤絹被砂金篁  
 請授小野神從五位下既發遭風破船不得

進而還、四年再赴唐、初定使船次第、大使藤原常嗣所乘、居第、號太平良、最為堅硬、第二船、篁所乘、次之、第其船毀壞、常嗣欲奪篁船、奏請換次第、許之、篁忿恚、曰、朝議不定、三其言、受命之旨、分配已定、今翻以朽損與我、論之人精、是為逆施、有何面目以率下乎、篁家貧、親老、身亦疴病、當汲水採薪、致匹夫之孝、爾遂稱病、篤、不復上船、作西道謠、刺遣唐之事、多犯忌諱、嗟峨上皇、見而大怒、令論其罪、帝下敕曰、小野篁身奉綸旨、出使外境、而稱病不行、准據律條、可處絞刑、今特宥死罪一等、處之遠流、因免為庶人、竄于隱岐、在路作謫行吟、七言韻、當時稱誦之、數年召還、帝愛其文才、歲餘詔復本位、尋為刑部大輔、除陸奧守、入為東宮學士、兼武部少輔、進從四位下、為藏人頭、藏人頭據十四年任參議、兼彈正大弼、嘉祥初、轉左大辨、兼信濃守、為班山城田使、長官、兼勘解由長官、歲餘進從

世宗本紀 卷一百一十四 列傳 十一

四位上、以病歸家、文德帝即位、加正四位下、授近江守、紀、參取續日本後明年病瘳、復為左大辨、未幾病動、不朝、帝甚愍之、屢遣使視之、賜錢穀、就家授從三位、及困篤、命諸子曰、氣絕則殮、莫令人知、薨時年五十六、世稱野相、公、篁事母至孝、家素清貧、俸入皆施親友、文章冠絕、當時草隸有二王之迹、後世模楷焉、初在太宰府、唐人沈道固者、時居鴻臚館、聞篁有才思、數以詩賦相唱和、常美其富艷、文德

實錄、野相公弘仁中帝幸河陽館、賦詩一聯、據江談鈔

云、閉閣唯聞朝暮鼓、登樓遙望往來船、以示篁、篁曰、聖作甚佳、但改遙作空、最好、帝愕眙曰、是白樂天之句、遙本作空、朕聊試卿、適見卿與樂天詩情相同也、時樂天集始至、藏在秘閣、人未得見、以故大為帝所稱美、其精詩如此、平生所作、往往有與樂天句格相似者、世以此重之、然為人不羈、好直言、不為當世所容、忌其才者、呼為野狂、以篁狂音相通也、

大日本史 卷一百一十四 列傳 十一

故篁有暗作野次天與性自古狂官世呼名

之句江談鈔相傳野足利學校篁嘗讀

室安篁木性子保衡葛絃野系圖本書

姑從俊生系圖和保衡正五位下陸奧

阿波守葛絃正四位下太宰大貳系圖練達政

事世稱循吏管家文草藤俊生從五位上刑

部大輔葛絃子好古道風三代實錄好古自稱傳

道風善書適勁神逸冠絕今古歷事醍醐朱

雀村上三朝至正四位下內藏權頭系圖扶

醍醐帝酷愛其書及造醍醐寺使道風書榜

一楷一草初擬揭楷書於南門而終榜草書

道風大喜曰嗚呼賢主哉蓋以其得意在草

書也古今著又命書行草法帖各一卷使僧

寬建持往唐蓋欲播其美於扶桑略記其

餘殿壁題字宮門扁榜道風所書甚多日略

晚患中風手顫筆勢彌生奇體今著嘗為

橘直幹書奏疏村主帝常置坐側會禁闕火

帝願左右直幹之疏存否不復問他十訓

大日本史 卷二百十四 列傳 十一

今著聞集、寶物集、康保三年卒、年五十、未竟、其

書一行、隻字、人競求之、不得者、以為聽、其為

世所貴如此、鏡後世稱道風、及藤原佐理、藤

原行成、曰三蹟、尊卑分脈俊生子美材、古今和歌

錄、集目亦五書、菅家後集有文才、日本紀略從五位上、大

內記、系圖、古今和歌集、目錄命醍醐帝、讀羣書、治要、美材

為尚復、日本紀略延喜元年卒、菅家後集、古今和歌集、目錄草

春澄善繩、字達本、姓猪名部造、實錄伊香我

色乎命之後也、錄伊勢貞辨、郡人也、達官

之後、移隸左京、祖財麻呂、貞辨、郡少領、父豐

雄、周防大目、善繩幼而明慧、骨格非常、財麻

呂倚之、加意撫養、傾產無所惜、弱冠入學、手

不釋卷、所閱覽多、口誦博洽、多通、妙於藻思、

明敏兼於時之學者、無能及焉、天長初、及第、

補俊士、四年為常陸少目、以秩俸充學資、五

年賜姓春澄、宿禰、後敗朝臣、停俊士之號、補


文章得業生、七年對策、詞義甚高、式部省評

處之丙第、是歲春、內記闕、帝雅重士、虛此職



以侯善繩是夏擢第補少內記尋轉太內記授從五位下十年為東宮學士侍明帝立兼攝津權介承和帝遷兼但馬介進從五位上及嵯峨上皇崩皇太子見廢善繩以學士左遷周防權守十年遷文章博士講范曄後漢書於太學解釋流通無所淹滯諸生質疑者皆得解惑三代實錄尋兼備中丞廿四年帝設莊子竟宴先是帝受莊子于善繩是日引善繩于清涼殿賜酒執弟子之禮於莊子篇令左右

近臣賦詩管絃交奏酣暢為樂賜御衣二襲是月又讀漢書於清涼殿續山本嘉祥初授正五位下兼備中守三代實錄續齊衡元年為刑部太輔三代實錄奉詔與菅原是善大枝音人等評品文人所上重陽詩明年奉詔修國史三年講晉書帝親受讀焉文德實錄天安元年為伊豫守兼右京大夫二年進從四位上貞觀初任參議為式部大輔進正四位下兼播磨權守遷近江守三代實錄承和元年



國史成上之三代實錄十二年為讚岐守疾病詔

及其生存授從三位時太政大臣良房在直

廬脫朝服贈加其身時太榮之薨年七十四

三善繩補任錄善繩性周慎謹朴不為所長加久

為文章博士時諸博士各自名家更以相輕

短長在口弟子亦立門戶常有爭言善繩恬

退謝遣門徒終不為謗議所及雅信陰陽多

所拘忌每有物怪杜門齋禁不通人乃至一

月之中門扉十閉家宅不治垣屋世罕言死

弔問遂絕及登清要齋忌稍簡家不引賓客

唯對子姪耳年老聰明不衰文章加麗貞觀

中追改策判進為九第二子具瞻魚水並位


至五品無繼家業者三代實錄豐階安人河內大縣郡人本姓河股公彦坐

命之後也三代實錄至御影改今姓安人少

穎悟有局量以好學早知名涉獵史傳最精

漢書承和五年除少內記轉大內記嘉祥元

年敘外從五位下明年遷東宮學士文德帝



卒授外從五位上三代實錄仁壽元年為丹後權

守、累陞吹待從、及詔春澄善繩講文選、安人

為都講文德實錄二年坐疏言安人貫河內國、未

除公字、伏請移籍京華、亦為真人、於是詔賜

姓真人、貫左京、齊衡元年為尾張權守、三年

轉圖書頭、天安中為掃部頭、遷大學頭、尋為

東宮學正、兼美濃權介、清和帝即位、授正五

位、貞觀三年拜刑部天輔、是歲卒、時年六

十五代權字據文德實錄三

紀安雄、本姓刈田、其先讚岐人也、至安雄改

今姓、移隸左京、父種繼仕仁明帝、至大學助

教、從五位下、帝崇經術、屢引儒士、以相論討、

常召大學博士御船主及種繼、論經義、主執

禮、種繼舉傳、難擊往復、遂無折角、時有阿刀

根繼伴長、並善相撲、天下無雙、帝號主為長

種繼為根繼、以戲之、安雄幼以學術稱、性寬

綽柔順、始補得業生、天安中為大學直講、貞

觀中累進、從五位下、轉助教、專精經業、頗閑

大日本史卷之四十一 百五十四 和 五

文辭時撰修格式敕擇有識者安雄預焉為  
勘解由次官兼兼野介進從五位上遷華計  
頭元慶初出為武藏守政貴簡惠使民安之  
秩滿歸京除鑄錢長官兼周防守聲績減於  
貳藏仁和二年卒年六十五實錄和仁四年  
帝召大學博士齊藤公實實錄齊藤公實  
齊藤公實立子帝崇聖滿其臣謝去以味能信  
今此味能信立京父蘇繼此其臣帝至大學出  
大日本史卷之四十一百六十四終出至安樂元年

